

春融堂集

春融堂集卷二十三

青浦 王昶 德甫

臥游軒集

戊午庚申

己未

懷吳訓導盤齋

桓

循牆步履每相於小別秋風歲又除  
經座本能支五鹿講堂  
定見下三魚割圓誰受旁要術證道仍繙內景書  
東望婁江才兩舍寒雲積雪渺愁余

春日偶筆二首

藥裏茶牀罷送迎午時微煥正春晴  
綠陰已向檐端合碧漲  
初從檻下生燕入重簾人更靜鶯囀小徑夢尤清  
支頤獨念秦中報青犢烽煙尙未平

曉來觀物儘幽閒天與生涯未覺慳  
蠶豆將登知嫗喜鳧茈

爭握笑童頭  
菱抽柱渚根微白  
梅綻空林色漸殷  
偶過橫橋還拄杖  
不驚紅鯉躍潺湲

沐堂寺僧了性送蘭笋茶

纖芽早出蕙蘭叢  
不待春雷碾碧空  
似爲談禪乾舌本  
焙香先與贈衰翁

題沈秀才安成靖琢詩圖

學問由來輔性情  
不須雕琢費經營  
杜韓蘇陸蟠胸次  
定有波瀾筆下生

自愧詞場老斲輪  
祇將餘事作詩人  
天風海水憑君記  
肯與西江作後塵

明湖精舍識前賢  
彈指分明四十年  
最喜文孫能繼武  
才名

今已徧江壖

安成爲子大先生孫

題張墨岑崧山古柏圖蓋昔以壽蔣樹存先生者失而復得故紹初屬余賦之

崧高鎮中州風雨盛和會陰陽所滋榮喬林亦爲最維茲巨柏雙峯堯閎人代秦漢世已封唐宋久仍在尊嚴肅冠冕植立綴纓帶矯如翔蛟螭高乃出塵壚輪囷起恭敬偃蹇謝翦拜誰能寫此奇墨岑實超邁當其侍彤墀落筆走雄快

至尊每咨嗟羣工歎妙繪閒寫千齡材奇姿破蒼靄霜皮竦千尋雪幹配兩大持贈繡谷翁用以頌耆艾過眼忽煙雲桓廚隱光怪魯弓失復還魏視守無壞竭來出示我元氣溢沆瀣空堂六月寒依稀見垂蓋文孫亦黃髮高名播海岱寶之等尊彝重之儼珪玠述德有新辭與圖共千載

袁又愷招同曉徵紹初潘榕皋

奕偶

諸君看牡丹以

是日也天朗氣清惠風和暢分韻得日字

我來游吳閫已度流觴日閒行過漁圃鼠姑正芬苾亭亭傍  
詩障叢叢對書帙名種間姚魏仙姿鬪尹媼主人劇好事張  
筵啟蘭室客亦鴈行至素心契膠漆清談了不窮理詠動逾  
出隨颺落游蜂掠水語飛鳥芳時殿三春勝侶等六逸融怡  
心最歡妍暖景難述明發更銜杯需雲叶貞吉

戈小蓮襄亦約看花邀往

石湖精舍

題任太守曉林

北炯

虎邱白公祠長卷

青林紺塔相逢迎紅橋碧波交澄泓山塘七里人所羨更羨  
白傅新祠成公由分司復出守皋橋吳苑飛前旌是時海內  
適無事

樂天想東游詩有海內時無事江南歲有秋之句

旬休設宴紆高情

圖經續記樂天

非旬休不設宴

小部笙歌清譏啓長堤風月詩懷清名流盛事若在

眼遺風一絕何人賡平遠堂圯嘉會廢專祠銷歇空檐楹寧  
知寂寥千載後忽得賢守尋前盟公子翩翩起東海巨綱五  
十才縱橫揭來分符向江左卻掃簿領綏農耕賈誼在門愛  
才俊蓋公有術除誼爭金閫亭外偶游衍緬溯前哲心神傾  
思公文采旣絕世兼有惠愛傳遺氓劉郎詩句非妄譽十萬  
戶盡啼孩嬰理宜辦香薦蘋藻慰此寒畯心怍怍蔣家園子  
本佳構庸以下築娛精英萬家煙火亘北牖一川桃柳歸南  
榮眉山舊樓在指顧杜老名迹尤分明青蓮東來夜游此想  
像逸氣凌長鯨四賢作屋好鄰並游侶戢戢停簪纓我昨一  
懼來吳城偶煩舊雨謂雲松移樽壘相逢小住作小飲始識佳  
話光昇平今觀斯圖信綿邈咫尺十里侔關荆酒舫曲通山  
後路茶檣半隱花間坪畫圖一燈秀粉墨歌詠諸老添瓊瑛

兜率天宮詎難下麒麟定見來瑤京白蓮名花太湖石公尙  
眷戀誇其名豈於傳芭會鼓地不獲感格通遙誠惜我衰遲  
更多病無能扶杖登崢嶸回憶當年共游賞雪泥鴻爪殊堪  
驚乾隆辛未壬申間屢從沈文憲公游宴於此迄  
今幾五十年時園主人蔣子宣文憲門人也多君開閣  
許懸榻安官火傘方高擎稍待珠斗明長庚虎邱鶴澗從經  
行香山會約尙可繼白公作九老會年七  
十四今余年七十五不惜蕉葉澆香醒  
時吳中弟子欲約袁子才梁元穎錢曉微趙雲  
松家禹卿及揚州謝侍郎未堂裕生爲七老會  
得稚存書卻寄

江湖憔悴念離羣忽荷瑤華遠寄聞憂國向來知賈誼登科  
誰復愧劉蕡文昌華蓋聲名重金筑羅施著述紛傳語東來  
移鷁首鱸魚雉尾滿溪濱

殘燈

殘燈照壁影幢幢翠羽時聞響石缸最是夢回清絕處兩方

明月入書窗

中用頗  
黎故云

琴德居閒坐

涼風忽起滅恢台薄薄微雲送遠雷禽語時來池上樹蝸涎  
新界壁間苔喜同野老添譚柄遠幸門生送酒材欲學君苗  
焚筆硯祇將方便乞心開

初秋雨後

清江雨足稻苗肥濃綠迢迢到版扉吸露秋蟬聲漸咽掠波  
塞燕話將歸凌晨最便攜蓮艇亭午猶思理葛衣同學少年  
多挾策更無人過釣魚磯

時值江  
寧鄉試

七月十八日

風高曲樹罷登臨獨閉柴門一徑深雨霽池荷猶掩冉煙濃



岸柳尙陰森靜看繡鴨時時浴涼把香螺細細斟如許閒情  
誰得似幸將華髮謝朝簪

聽張金冶彈蒼龍嘯月琴

端居苦無豫宿病況未捐曲肱樂偃臥意趣通幽元同心忽  
已至所愛秋光妍坐忘理乃得語寂神斯全攬我壁上琴奏  
此風中弦梅花香淡薄湘水波淪漣珍禽亦不語窈窕餘爐  
煙誰悟希夷旨行將問成連

晚晴

已聞鐘鼓報初晴檐雷猶傳點滴聲新月一鉤花外隱夕陽  
半角竹邊橫山僧近贈釵頭茗爨婢還調玉糝羹信是幽居  
多樂意西南祇恨未休兵

題陳太守桂堂

延慶

臨得天居士梅花

余向獲文敏畫梅冊十幅蓋雍正癸卯由福建典試  
歸在杭州西溪對禪人所作常出示石庵偉人蔗林  
三公皆稱爲希世之寶今太守此幀與余所藏似同  
時作者是亦文敏中年妙墨也疎影橫斜水清淺竹  
外一枝斜更好昔賢已得其髓更從何處著語勉成  
二絕以當禪悅

映水畧無色照空疑有神祇應霜月底趺坐契清真  
澹墨了無痕幽香如可掇想是小參餘亦對西溪雪

虎邱卽席送阮少宗伯伯元還朝

西泠使節返蓬萊卻過名山更舉杯燕樹吳雲愁遠別玉衡  
冰鑑俟重來文章翰墨千秋業賓從江湖一代才只是老夫  
蕉萃甚臨風目斷畫帆開

望亭

秦望山邊是望亭湖天雲霧晚冥冥故人猶憶前宵別長路  
欣看暮雨停遠挂商帆斜似扇纔明漁火小於星莫嫌垂老  
無佳興頗愛微吟伴柝鈴

再過樣舟亭

西風衰柳映空祠又是扁舟晚泊時曾說幽情懷楚橘更無  
行客薦湘離歸來南海誰爲伴生向西方是不疑彈指華嚴  
樓閣見何須重望小峨眉

丹陽

堤高不見樹間村香稻初登萬頃屯欲瀉碧螺洞庭山茶名無處  
汲秋潮新漲滿溪渾

寶華山

江山接秣陵嵐樹對句曲緬維蕭梁時寶誌此託足後興南山教梵網戒淫瀆派本阿律陀毘尼皎冰玉雪浪計重興紅牆繚林麓禮公來滇黔戒壇更高築止持與作持羯磨縑流復感動始官闍皈依暨邦牧法藏絢珠林香鬘護松竹登階歎莊嚴鳴鼓震塗毒鈴鐸八窗開楓櫺千嶂肅白雲與黃葉兩亭飄渺在遐矚香積出伊蒲飯罷西齋宿名

### 棲霞

曼曼循輿破曉煙松枝藥草故依然總持有恨來歸日靳尙何能解上天輦路三春懷獻賦予于丁丑召試候旨至此蕭齋四壁翫題箋壁有姬傳雲松詩禹卿書南能弟子曾相識住持悟巖爲照圓弟子爲話門求七祖禪

### 幽居庵

繖山山最幽幽居幽更勝修廊近中峯欄檻斜而正竹間石  
笋排松下雲根迸不聞么鳥鳴少覺流泉應想見錦衣人于  
此學禪定

天開巖

蒼厓出秋雲如幃復如扇峭立逾千尋通中透一線猿鳥已  
絕迹獨有飛流濺誰摹岫嶠碑茫昧亦難辨依稀六朝書波  
磔露巖畔

珍珠泉

山泉無定流遇竇輒傾注如將一掬珠散作千林雨條條灑  
塵襟灑灑洗俗慮未肯遽出山窪鑄自朝暮宜有桑苧翁試  
茶此間住

紫閣峯

白閣與紫閣標奇著終南茲峯更幻麗紅葉殷楓楠緬想明  
居士籙冠謝朝簪層嵐亘疊翠遠水平浮藍行當留十日小  
住依茅庵

晴村將軍招飲並出示述懷之作次韻

虎帳熊旌是壯游 國恩世德兩俱酬勛勞昔已高 中禁  
詩什今看在上頭清晏江山資靜鎮登臨風月暢清秋自慚  
衰謝還垂念同倒山房藥玉舟

晴村署中玉蘭開後忽生紅果蓋上瑞也詩以紀之  
朱果徵祥兆最嘉餘榮猶逮世臣家春華畢竟兼秋實合作  
西天稱意花

見大藏一覽集  
花實俱紅色

素蘂繽紛展惠風雕瓊鏤粉孰能同如今直作辛夷色網戶  
枝枝映日紅

花後勺圓顆顆垂輕紅淺絳繼芳蕤謝庭已發三珠樹又見  
珊瑚碧海枝

留別曾賓谷及諸君

摒擋詩筒與酒筒使君佳唱滿淮東竹西歌吹由來盛流水  
高山意未窮

仙館筵開椽燭斜擘牋舐墨並風華隔江可惜無人和孤負

南朝玉樹花

並寄許秋巖  
太守于江寧

揚州煙月古今稱儒雅風流得未曾團扇弓衣傳唱遍從教  
寫盡剡溪藤

承家文定聲華舊守郡歐陽樂事傳置酒飛花當有兆不須  
更比玉山筵

追題汪蛟門先生少壯三好圖長卷

上方下方各有情

漢書翼奉傳

六鑿相引殊其形少壯寫此陳丹

青圖內縹緗互線繞百榼千樽足傾倒更有雲鬢如月皦豈其惑溺有託逃顧曲頌酒精神超兼與簡冊娛昕朝想見承明晚退食遠擬蘭陵聊自適任人聚訟各以臆我已橫陳嚼蠟如一璣竟醉同淳于尙欲雒誦窮黃虞竹西亭邊開此卷前輩風流知未遠安得相從游藝苑

### 高旻寺示巨超慧超二上人

三年瓜步數經過把袂重看窳堵波無著天親形影並寒山拾得笑言和竭來猶喜鐘魚靜老去深愁翰墨多欲覓閒房供索句松龕紅日未蹉跎

竹西諸相好求詩者甚衆怒卒不及寫乃借僧房書之

舟過蘭陵錢明府竹初

維喬

招集諸君夜飲感賦

西齋湖頭小泊船題襟促席共流連正當燈火傳三雅恰集



簪裾是七賢

趙員外繩男觀察翼劉編修種之存之往事分

明成噩夢抽身且喜各歸田只愁皓首重經過華屋山邱最

惘然

憶先師文敏公

初六日夜

又覺夜寒侵因知病更深孤燈懸澹影疎磬颺餘音出世無  
生法觀空不住心擁衾方假寐窗外響霜禽

十六日石上舍遠梅

鈞

邀同探諸山梅花至石壁而

返共得詩五首

頻年上峴山鄧尉獨未到梅花如有知應與東風笑春信隔  
歲來晴和已先曜吾友澹蕩人移書久相召江城百里餘微  
波送征棹遙指費家潭薄暮共清眺

春林鳥亂啼春山已及曙遂由思翁祠並瞻憺園墓

道旁經過董文

敏徐健庵  
兩公墓

微聞幽馨來早覺蓓蕾吐停輿上還元雲濤渺平

楚閣前一樹花香入爐煙炷瞻仰兩詩翁翛然發清慮

閣內有漁

洋綿津  
兩公像

斜照尙未沈明蟾已微見移楫向山橋風香冷然善兩崦分  
東西春波漾花片偶斟玉雪酒清稍解餘寒戀碧嶂圓如螺  
白沙浮似練無事更登臨澄懷足婉戀

小睡夢漸醒孤篷覺微響蕭蕭待殘更六花浩村壤清游愛  
衝寒喜共籃輿上穿林廿里餘澗北入方丈非霧亦非煙香  
巖絕心想惟應住童眞于茲獲供養

再緣西磧山逶迤屈石壁蒼茫雲萬頃青峭嶂千尺漁洋暨  
法華煙巒近肘腋僧寮半傾欹僅有清公迹香積亦荒涼何  
由住昕夕信宿憶當年月窗詠秋碧

守風金山下

時取急北行

斷渡風猶勁參差客舫停塔鈴寒自語粥鼓遠難聽雪浪煙  
中白雲山雨後青妙高臺上景危坐憶曾經

臺莊

弭櫂徐方近驅車魯道長風沙兼感發淮海入微茫浮磬思  
靈壁孤桐詠嶧陽昔賢珥筆地雪涕那能忘

東平道中大雪

巖飈急霰撲征鞍濕透麻衣晚未乾洵是普天同慘澹欲教  
大地盡沈瀾

龍髯已遠悲腸斷馬耳全埋掩淚看賴

有同心相慰藉滿鑪枴暫盤桓

與鄒閣學曉屏炳泰同行

雪夜

冰滑嘶疲馬風狂落凍鴉畧看山一角已沒路三叉土銼煨

松火茅簷繫雪車彤雲騰縞素淒切聽悲笳

德州

野邏長河北郵亭小市東飢烏猶啄雪劣馬獨嘶風遠嶂層  
層白初暘漸漸紅排籤僵十指滑澁歎泥融

題盧溝折柳圖送伊太守墨卿

秉綬

任惠州四絕句

郵亭戍候儘蒼茫更送伊人水一方嗟我暫來君又去不須  
讀畫已淒涼

詩卷書籤滿畫輪生平本不厭清貧此邦宜著文章守麥穗  
棠陰待撫循

曾過方輿萬里程五羊偏隔嶺雲橫

子獨未至粵

老來欲覓丹砂

願夢逐熊幡海上行

潢池頻歲警西川稍喜氛祲息海壖解得道州危苦句不妨

竟酌石門泉

謁阿文成公墓

禁城東望鬱嵯峨

賜葬崇封氣象多  
星日交輝森異

屬風雲常起護坡陀  
祁連景色何須仿  
耶律勲名定不磨

閣像

御題云楚材既出為國之楨故梁文定公書耶律文正王傳以贈公文正墓今在西苑玉泉山下悵望

九原誰可作即看堂斧邈山河

雪嶺天山控大荒  
掃除餘孽鎮巖疆  
先開城堡供陶冶  
再引

河流藝稻梁  
蒙古東來環北極

築伊犁城北通塔爾巴哈臺又東北通烏里雅蘇臺合蒙

古內外四十九旗達于張家口俄

大秦南去盡西洋  
而至回

城哈薩克布魯特南抵溫都斯垣直至西洋

纏頭務面盈千萬  
重譯飛車達建章

萬山崩劣護天全

魚通土司大小金川地傳為天全六番招討所屬

蟻聚蜂屯四十

年坐甲千軍柔伏莽  
先庚兩次破重堅  
雙圓孔翠花翎貴五

色盤龍彩服鮮麟閣雲臺俱首列桓圭一等有誰先

身兼將相尚非難功業巍峩德業完下士情能忘貴賤愛民心總卹饑寒敦詩說禮家風舊緩帶輕裘意度寬不獨千秋知已淚山頽木壞其悽酸

京城德勝橋西有明李文正公東陽宅開文祭酒訪得其處去年戊午六月初九因公生日邀同人祀之竝作長卷今予來都索詩以繼其後

淨業寺北積水區柔藍一鑑浮鷗鳬相傳自昔西涯居歷年五百埋荒蕪春深漠漠生葭蘆振衣誰復尋遺墟祭酒先生列仙儒生平嗜古資畋漁著作盡得前賢模茶陵名望尤所娛知公卜宅瀕澄湖搜奇剔異窮林筌果得往蹟鄰經涂是時長羸月值且文正生日尚未逾爲公祝壽陳盤盂中懸遺

像清而腴飛召京雒賢豪徒雍容車騎齊簪裾一十六人拜

且趨辦香致敬心誠輸維公生值景泰初神童召試登亨衢

遂占揆席持機樞高文典冊傳方輿空同大復爭夸譽恨值

闍寺雄封狐鐵脾不守還睢盱洛陽

劉文餘姚正遷

文偕歸與

誰爲切諫陳唐虞酒闌餞別情欬歎獨將一木撐凶渠衆正

賴以安須臾有功世道焉可誣景仰宜與旋杓俱況有眞蹟

森寶書寸縑可敵千碑礫諸君誦法良非諛何翹坎鼓調笙

竽祭畢綠蔭平堦除香生萬柄紅芙蕖數聲遮了鳴高梧澄

心堂琴音調殊一彈再鼓松風徐題衿連襪相歌呼銀槎碧

筍交紛如更有畫史參倪吳落墨掩冉垂楊疎雅集上擬西

園圖

以上俱見謝蘇  
泉侍御記中

此樂義等雲天霑惜我未預櫻筍廚如

口流沫思梅諸吟詩讀畫情稍舒槐花此際飄檐間距公攬

揆一月餘今因放櫂還姑胥相從未得同駟驢勝踐不到何其恩還君詩畫長嗟吁歸奉懷麓伴璠璣

題謝侍御薌泉

振定

雲將小草二絕

臥病空回訪戴船吳淞無計共沿緣懸知袞屐逢迎處擘盡膠東五色牋

君去歲來訪適以臥病未見

龍蛇夢斷感游秦菰苑欣看有替人聞說淹中遺稿在莫教零落委凝塵

君為程魚門高弟所撰經說收藏無恙故及之

題鄒閣學曉屏午風堂集

當代文章客誰堪第一籌午風詩數卷標格足千秋書畫供陶寫雲山入唱酬漁洋仙去遠髣髴見風流

送尹給諫楚珍

壯圖

歸雲南

楚珍前奏各省倉庫多虧奉

旨令同侍衛

慶成往近省監查是時各督撫聞信挪移餉致以

陳奏不實罷官今上備知其故令馳驛來京待



用而君以母年逾八旬難於迎養  
給事中銜仍令回籍侍母人皆稱為異數 上予

擁傳來仍擁傳歸行成忠孝世間稀已看直節標青史更乞承歡奉彩衣捧檄毛生官未達上書賈傅願終違如君獨荷君恩重回首征途望紫微

曹侍御定軒錫齡招同紀宗伯曉嵐小集

霓裳詠罷大羅天燕羽差池四十年松鶴精神嘉未老尊鱸歸隱病難痊晨星屈指無多在舊雨關情喜後賢謂定軒幸得春明同把盞莫辭坐到燭花偏

題金青儕雪意圖冊時青儕悼亡

斷橋流水暮烟空作意荒寒望不窮卻憶湘簾明鏡畔低鬟曾詠絮因風

殯面誰來傍畫欄小窗疎影倍清寒湘中草與秦齋怨今古

才人一例看

金師眷屬是前因  
好證聞箏累切身  
拈得空花還放下  
不妨如夢更如塵

空牀長簾起寒霏  
不共香車緩緩歸  
他日薊門三尺雪  
祇應時夢舊鷺機

川義  
山句

將山京師何侍御蘭士道生法開文洪稚存趙億生

王孝廉惕甫世孫餞於西花園

襖被經春住禁城  
將歸話別此班荆  
雪泥鴻爪畱殘夢  
酒座詩場續舊盟  
老我已無重見日  
多君尚締久要情  
國恩友誼俱難遺  
慘袂徬徨淚欲傾

又別開文

宮牆禁籞路縈紆  
問字門停載酒車  
久識高名尊館閣  
誰

知垂意到樵漁半窗翠影千竿竹滿榻芸香萬卷書此後江湖回首望文昌華蓋近宸居

天津小泊

折木南來第一程柳梢風急水紋生黑雲忽合如山斷中有殘陽照眼明

楊村過又柳青青

未至天津十里爲楊村過津二十里爲楊柳青

畫舫如家此暫停

閒看溪農歸去晚獨擔漁具度沙汀

金鄉道中

穀雨初晴日更曛良苗芳草總如薰花牙猶響泉林水榭尾還披泰岱雲犁罷烏犍閒帶犢巢成紫燕又攜羣琉璃窗小無塵到麝墨雙丸試斷紋

名硯

舟中偶作三首

長隄芳草綠芊芊學道曾聞肄管絃武城回憶琳琅三十幅

故人落筆化雲烟元和莊孝廉誠立先在京師善書予所藏漢魏晉唐石刻皆其題簽曾令武城故

之憶

小涓湖畔水雲凝顚顚微官尚不勝誰緝遺詩還比似長江

主簿武功丞

武進莊然一寶書前爲聊城縣丞

紫雲山下水如羅武氏祠堂石刻多六十二人圖畫古何由  
著手細摩挲

塗中寄翁振三

本是

先朝侍從臣

上陵猶奉屬車塵

衣冠月出聲靈在

弓劍秋藏灑掃頻

講幄憶

攜香滿袂

鼎湖近望淚沾巾自憐一舸今歸去遙企

橋山更愴神

珠湖夜泊白蓮盛開

六六珠湖永涼宵，  
傍客船露香催夢醒。  
花葉半雲烟，雪羽飛難見。  
冰輪澹欲圓，臨波何處去遙憶水中仙。

泊舟京口有懷巨超慧超二上人并寄家柳村

懷

斷岸平沙晚退潮，  
鶴林山外此停橈。  
雲中竹樹懷三詔，  
天際帆檣見六朝。  
開士吟情留梵唄，  
幽人高趣伴漁樵。  
謂柳村歸程愛趁西風便，  
選勝何時得共邀。

黎貢生簡民

簡

以詩集見示有寄

嶺外忽傳詩廿卷，  
長吟快似蚌搔杷。  
頗魯公麻姑仙壺記  
廣作蚌爬作杷雪車  
冰挂撐腸腹，海雨江風入齒牙。  
想見襟懷清似月，故應詞藻爛如花。  
老夫墓本垂垂拱，  
萬里何由訪子嗟。

哭門人魯孝廉習之

嗣光

清和送我出京畿誰料旋聞薤露晞甲第未登名未立衰親

誰望子誰依文人有命終難解王弼州有鬼伯無情事總非

苦憶臨岐堅後約欲乘秋水問漁磯曾約於秋間赴三御漁莊小住

少年高蹈擅詞場文字家傳一瓣香擊楫未能攜郭泰傳芭

竟至下巫陽貧憐苦志承先業死痛黯魂隔故鄉報與鄧吳

鄧孝廉傳安吳廣文照吳上舍嵩梁皆予江西門生同一慟楓林關塞晚蒼蒼

題潘榕皋歸帆圖

廿載簪毫侍 紫宸蓬池詩卷最清新如何忽憶中吳路蘋

葉蘋花上畫船

已將彩筆付諸郎科第連翩上玉堂誰信高情真絕俗扁舟

要占水雲鄉

陶峴三舟也足豪玉簫金管儘由教竭來意興耽幽寂四面

雲山水一篇

燕關纔過又吳關，企脚支願一櫂還。我有柳波雲舫在，期君  
蓑笠侶漁蠻。

除夕

新春未到歲將回，促坐明燈笑舉杯。遶膝欣看珠樹合，

時嚴氏諸

外孫侍側挽鬚不覺玉山頽。紙窗寒重將飛雪，瓦缶香傳已放梅。  
仍屬朝衣熏侍史，青陽曉色俟徐開。

每遇

黎明望

萬壽元旦

闕行禮

早春

朔風初定雪初晴，遙見春暉上檻明。三尺遊魚冰下見，一行  
歸鴈柳梢橫。香爐茶鉢隨宜置，茸帽筇枝稱意行。已是上元  
燈節過，市樓猶聽夜吹笙。

聞稚存譴伊犁

胸中五嶽本難消醉後狂言荷

聖朝東坡對簿已蒙

寬一死投荒何恨竄三苗老泉諫術終須讀湘浦羈魂不待招取次金鷄竿下信陽關風雪返征輶

### 敷文書院示諸同學

彈指前遊四十年中唐古桂更參天詞林往事今誰記謂楊

叔宗伯遺書幸已鐫謂齊次風宗伯著有水道提綱兩公皆先為院長舊學已忘慚

老耄斯文將付待英賢鑒楹況有宸章在講罷常瞻

日月懸

### 過花神廟

雲作衣裳月作鈿蕙幃春暖更清妍如何瑤島如花女卻伴

僊奴五十年乾隆庚子南巡上幸花神廟召對大學士嵇公詢以花王何處俗乃爾公對

曰此李衛像也衛總督浙閩時塑其像于花神中東樓二女其所最寵者上又問曰旁坐者何人公對曰此季麻



子也善說稱官野史衛善之故使侍側餘著襤褸衣短後衣皆儉僕也上日衛本賈人何敢狂悖因降旨命  
署布政使德克精布毀其像投諸湖而重塑花神祀之余同旨於衛傳中  
稽公隨 踴親觀其事 國史亦載此

秋菊春蘭各一時凌波來往載雲旂六橋自此班騷客合與重題絕妙詞

題舒雲亭瞻蘭藻堂集後

吟殘蘭藻一編詩竟體芬芳絕妙姿拈出江南腸斷句不妨喚作女郎詞

淡粉輕烟字字嘉獨攜琴鶴返京華誰能移取燕山桂來作揚州玉樹花

翦燭微吟喚奈何無情有恨不須多當時若過紅梨館定倩雙鬟畫壁歌夢牛堂先生有紅梨館詩少年作也惜其未識雲亭

雷雨

雷雨中宵動滿盈朝來嫩日又新晴尋香小蝶穿簾入選樹  
幽禽繞舍鳴巷口稍淹沽酒路橋頭徐度賣花聲春衫不覺  
春寒峭獨向筠廊拄杖行

題溫忠烈公

瑣

像并家書墨蹟卷

新都城上旄頭落雲黑如山烽火作司李絲來本散官不惜  
微軀試鋒鏑滄桑大變一身瘡氣挾風雷動山嶽老翁六十  
鬢已絲甫膺一命丁顛危腰間利刃光若水與我一快無稽  
遲挑燈作字貼親串想見軒昂雜悲惋妻孥從死子爲僧淚  
痕墨瀋交零亂處分不了了語和平兩通箋疏生光晶卷前遺  
像更孤峭浩氣隱隱浮眉棱褒忠奕世霑榮遇錫諡專祠誇  
異數不見當時首輔尊冰山已倒終非據

忠烈爲體仁之弟見竹垞詩話

可

知自立足千秋此圖此畫應長畱植節固應歸母教表彰還

復藉孫謀

周同年松靄

春

自榜下分攜不相聞者忽經四紀今

在武林以四詩見贈纏綿往復情溢於詞作此答之

宦海抽身早家山樂志便追思少壯日同上大羅天白社尊人瑞丹砂養地仙相思蒙記憶珍重惠長牋

聞說鳴琴地循良見古風懸鞭閒吏卒驂條走兒童彭澤歸真早桐鄉澤未窮清和今始屆杖履更沖融

自顧成衰拙功名白髮餘烽烟頻自警竹帛豈堪書桃李門

牆盛丹鉛館閣儲

如通鑑輯覽一統志余川方畧諸書皆預編纂

恩榮皆

帝力況又

賜懸車

已嘆豐其蔀

時患目疾

非徒鬢似霜謬推孤竹馬虛奉束脩羊舊

雨凋零甚停雲佇望長何時來片席攜手快升堂

西湖餞送張子白赴鎮番縣任

短後曼胡意氣迺鳴沙驛路指瓜州山經華岳臨關出地控  
黃河繞塞流鄉夢應懸三泖樹烟波兼憶五湖舟

子白贊南於吳興

涼西夏英雄跡收拾詩囊是壯游

西湖首夏晝初長別酒淋漓累十觴尚說氛祲纏隴蜀喜無  
烽火近河湟番回徧野風猶古稞麥連雲歲屢康料得篠驂  
迎候遠循聲已頌馬如羊

見張與傳

得吳庶常山尊肅書知乞假將至武林詩以迎之卽  
用其和蘇文忠公岐亭詩韻

細雨動淹旬天意釀柳汁豈知多病身枯坐等束濕何來雙  
鯉魚錦字懷中得將紆久別愁豈免開函急果然獲新詩濃  
熏對銀鴨端如贈金鑱老眼刮蒙羃殷勤放生篇深痛刀砧

赤此意本等慈此業真純白徘徊再三誦起舞倒巾幘方今  
西南隅烽火萬家泣仁心啓祥和何致錄斯缺呼埽講德齋  
煮茗待嘉客共和岐亭詩以助往生集

聞繹堂司空奉使川陝軍營有寄

運籌帷幄藉論思又奉軍符絕塞馳褒鄂勛猷三殿重  
韋平聲望四方知雲開井絡宵傳箭雨洗河潼曉濟師先按  
西南諸牧守奸民何事弄潢池

汾陽部曲已無多

謂文成公舊部

感憤誰能共枕戈幕下參軍資阮

瑀方學士維甸

行間宿將仗廉頗

謂明君亮

三千勁旅如雲擁百二重

關躡電過軍令分明新壁壘佇看獻捷走明駝

西湖第一樓爲阮中丞伯元賦

高對湖山敞綺櫳星光聚接遙空掄才欲樹千秋業釋詁

先徵六藝功

樓後爲詒經精舍中丞集兩浙經生于此

自巍識途輪老驥還期樸

學謝雕蟲懸知各擅無雙譽要與陳登百尺同

子以乾隆辛酉年補博士弟子迄今六十年矣錢學

使撫棠

越

趙太守鑑堂

宜喜

循例請重游泮宮有作

輿騎喧呼雜管弦重來釋菜久華顛本無勲績叨

嘉

獎

前曾奉旨著有勞績

薄有詩文待續編佳話多承當事意異時

定作舊聞傳回思同伴何人在振翮雲霄俟後賢

附作

同邑

趙汝霖

惠蒼

童年鼓篋等前塵綺席重開四座春髯髯幔亭明月夜雲

璫瑤瑟會鄉人

昔曾游處暫裴裏傑閣臨風面面開遙望頻宮宮畔水分

明前度認蓬萊

蓋代才名擅鳳池雞林爭誦白公詩鄉人偏憶垂髫日早

擷瑤華第一枝

先生第一名入學

四國旬宣徧頌聲中朝人說舊清卿多緣自任由來重廊廟江湖萬古情

坐擁圖書擬百城依然逢掖老諸生那知鐵壁金沙外羽扇曾揮十萬兵

凌雲才筆擬相如著作頻聞典石渠此日儼宮畱蠹簡頒

來已是廿年餘

先生嘗奉書丁丑

召試詩賦備載

敕修一統志通鑑輯覽諸南巡盛典久

已頒發學宮

鈞天樂奏九如歌國老承恩雨露多攜得尚方靈壽杖

耆年場裏更婆娑

嘉慶元年夏有如意壽杖之賜

召與千叟

林下逍遙近十年鑑湖一曲

主恩偏若教從此登雲

路及第還居梁顥先

京雒浮塵十丈紅斷蘼仍守舊家風銅山金穴須臾事卻

羨蕭疎一畝宮

先生書整肅南書引用  
范文正公畫所斷蘼事

衡才自昔重

昌辰閱歷名場六十春閒把文章朔流派

仙源一棹指迷津

遙峯環抱水縈紆二百餘年毓秀區爲問看花上苑客

幾人曾到舊元都

巋然人望齊靈光頰水今歌第二章正似寒梅留老幹一  
枝瓊萼領羣芳

南皮游讌舊時同此日文壇望竝崇兩地膠庠添盛事流

傳佳話徧江東

聞嘉定錢竹江宮  
詹亦當重游頰宮

常向丹青認故吾雪泥鴻爪未模餉何當更倩僧繇筆旂



影鸞聲畫入圖

先生自少壯以來閱歷之境皆曾繪圖名雪鴻紀蹟

桂苑花開接杏園仙都寧復羨桃源從今次第重游徧屈

指春風十四番

計將來重宴瓊林亦祇一紀有餘

大椿知歷幾千秋嘯傲湖山等十洲應爲早年絃誦地一

逢周甲一來游

題孫侍御貽穀深柳勘書圖

侍御自題有劉向揚雄之句

西京開儒術賈董始宏敞中壘乃繼之一時固無兩峩峩天  
祿閣太乙降藜杖豈惟稱俊乂實乃著忠讜列女規宮壺洪  
範則儀象肯以貞亮資而爲尋尺枉子雲起江灌羣倫共瞻  
仰訓纂既精研法言亦摹仿仕宦稍不達低頭事新莽坐視  
炎精消投閣免羅網乃知藝林中志節判霄壤侍御冠惠文  
生平表高亢中歲厭緇塵湖山愛清朗蕭蕭柳數株軒窗寄

幽賞鐵鉤不嫌斷敝帚甘自享經史盡貫穿撰錄編浩穰侍  
所著有家語疏證風俗通逸作書詆景侯九鼎鑄魍魎兼有  
文及文選李注補正各書趨庭人克副傳經想能傳家學我今發其疑九原定撫掌題  
詞付後賢百世弄書幌

項金門陳花南招集述古堂卽事四首

堂一名小方壺

消夏何方好來登述古堂藤蘿陰自密松檜遠成行翡翠時  
時下芙蓉冉冉香眞同河朔飲解帶試微涼

勝地今猶昔前遊景漸湮柏堂餘灌木竹閣少浮筠境與方  
壺似人瞻

御墨新山公

謂素小峴

多雅興躡屐遍嶙峋

倚檻香羅薄堆盤雪藕鮮簪裾皆灑落几席竝清妍語雜傳

燈錄潘侍御蘭詩誇泊宅編郭秀才詳伯老成還有在客

余君大觀休自笑華顚時予年七十七

已罷藏釣戲行將倚杖回樓臺  
銜夕照雲樹隱殘雷勝日殊  
堪惜清游約再來他年追雅集  
指點畫圖開時花南以圖紀之

東風大作聞海中賊船損壞俘獲甚多喜而有紀

閩浙游氛閱歲年天風助順埽鯢淵  
伏波不俟來新息籌海還當考舊編  
見說盧循藏島嶼何煩楊僕進樓船  
東南萬里沙邊戍共喜平安火夜傳

聞吳侍講泉之時有參劾作爲湖南學政

鯢顏尚翼履花封快聽風雷下  
九重豺虎有知原不食鷹鷂  
必逐自難容旁觀尚欲舒公憤  
當事能無愧曲從謂平寬大學使  
天道恢恢原不漏昌言眞足警羣兇

臥遊軒晚坐

考槃深處足盤桓身世從容俯仰寬  
菡萏香銷涼已透珊瑚

花結露初薄送來陳釀初開盞煮得鮮菱恰滿盤報道中秋  
佳節近半規明月隱檐端

題吳漁山歷畫冊

歷也磊落欽寄人時丁陽九稱逋臣寓居尚湖及婁水白鷗  
浩蕩誰能馴高情餘事託繪素自寫意氣超凡塵思攜孤琴  
適汗漫或絳巨牯搖崑崙廣輪輿地苦迫狹往蹈西海窮涯  
津烏飛兔走任吞吐鯨呿鼉擲開齋齋耶穌居士演化處拂  
衣不惜窺祆神璇樞忽見星火異絕域頓覺雲霞新歸來屏  
跡繁薄羸思借墨海摹乾坤狂搜險覓衆所怪落紙仍復清  
而純試諦是冊二十四幅幅規萬由先民倪雲林黃大吳仲圭王  
明矩獲合荆關董巨神明存川原林麓盡變態江湖村落抒  
天真當年授受出烟客上摹唐宋中金元乃知絕藝在法古

小仙別派徒紛紜千緡重寶我不易要懸梁棟貽諸孫

偶成

歸田何敢擬淵明欲倣香山亦未成范石湖陸劍南新詩差可繼

興來覓句遶廊行

吳淞道中

時訪錢曉徵嘉定

蕉衫桐帽峭寒生鼓櫂東爲訪戴行積雨新晴雲澹澹晚潮未退水盈盈故人已作經年別勝侶偏深宿草情兼懷一枕華胥殘月在麗譙已近練祁城

贈武陟令翁

時年八十

壯年筮仕樂春臺鶴髮如今尚未衰家在八公山下住身從千叟宴中來安仁舊治花猶在元亮新歸菊漸開遙憶故園秋色近西風早送片帆回

喜史誦芬至

齒髮相看幸未衰，茫茫舊事總堪哀。  
騎鯨豈意歸霄漢，謂畢制軍  
帆佩曠何時。息草萊，謂川陝寒露將零梧已落，仲秋久過桂方開。  
老夫寂處渾無那，正待深談數舉杯。

題蔣秀才葆存

荆

蔣邨草堂第一圖

聞說西溪路沿洄，到蔣邨人烟同角里。  
風物似麻源，茶筍俱朝夕。漁樵長子孫，杜陵傳業久。  
閭左頌清門，花藥開三徑。縹緗擁百城，有泉穿竹石。  
無客叩柴荆，自適閒中趣。彌添物外情，幾時香雪裏。  
邀我共經行。

九月二十八日馮實庵孫淵如招游西溪老病畏寒不能如約爲賦四章以當晤語

立冬未一句霜飄率已鴈蕭蕭竹打窗  
槭槭葉走砌殘年畏

早寒欲整門先閉差憐破帽溫頗藉茸裘曳正如曷旦禽瑟  
縮了無計臥聞折簡人楚然破清睡言將游西溪明日鼓蘭  
枻諸君信雅懷一往挾幽邃此境我所思廿載付夢寐所嗟  
老病身何由共聯袂

側聞秋雪廬乃在西溪湄蘆花一千頃杳渺連清漪源從澹  
竹來南湖復瀝之遠多紅樹映近有青篁教漁樵路亦絕僧  
屋圍疎籬諸君躡雙屐衝寒剡筇枝行琢冰雪句媿彼郊島  
詩

西溪數竹窗文格有遺宅後歸清河氏幻翁此寄蹟秋看榭  
葉紅春探梅華白往來二十年蕭然洵幽客翁去地頭更古  
梅亦崩坼茶竹尚清妍兼葭逾蕭瑟茲行想清寒延佇意何  
極稍待春風暄孤游弄泉石

昔賢慕樊榭苦愛西溪游每從竹西返嘯侶攜扁舟至今遺  
集中逸句如鳬鷗海山嗟已逝尚幸存松楸月上亦耐瘞埋  
香竝千秋王塢路非遠短碣蕪荒邱諸君儻過訪爲我澆新  
筍定如鮑家墳清唱能相酬

遙賀吳沖之得子

快傳異事動親鄰七十三翁竟得麟已聽號聲知俊偉卻看  
骨格果嶙峋來書云重至七斤未占後日金閨籍先喜當前玉樹春  
歸去定以湯餅會繡包細玩掌中珍

題沈太守莘田

清任

爲南明畫冊

此身未死病纏綿卻展鵝溪一泣然誤喜對牀尋舊約川東坡句  
不知花萼久成仙

澹園筆墨劇瓏玲老屋橫溪接翠屏寄語封胡常祕玩莫教



蘇粉近丹青

漪園雨飲次實庵韻

殘秋置酒對平川澹靄輕雲細雨連遊客待浮彭蠡月

沈主事帶

湖叔延將往江西

幽人曾溯洞庭烟

米茗香談太湖石壁之勝

霜清紅樹樵風外

水漲青蘋釣渚前最愛豪情工搦戰薄寒須藉倒觥船

答程明經葵齋兼懷董孝廉

招

廿年音問渺雙魚忽見瑤華足慰予漢瓦秦權供講席明星

玉女照精廬

時主臨潼書院在華山之下

虎皮仍闢前賢學豹略空陳大

吏書

時賊掠川陝君上書陳攻戰策甚悉

卻喜漢陰遺一老子孫咄鑿其樵漁

孝廉居興安城過其境不入

秦廉使小峴移任長沙招飲湖樓話別

使節初從薊北旋

璽書又見報鶯遷重將騷雅移三楚留

得聲名繼四賢

湖上有四賢祠謂李郭侯白樂天林君復蘇子瞻

沅芷澧蘭新著作

柏堂竹閣舊因緣雪中休折湖堤柳欲倩長條繫錦鸛

西清視草記前遊淮海詩篇互唱酬笑我歸依三徑老多君

兼領五湖秋

小觀先為杭嘉湖道地鄰震澤中包五湖之名

一船行李

餘琴鶴兩地聲華映斗牛畢竟名區資雅望重來定見協歌

謳

### 示周泉南

柳濱

秦火厄六經經義墮渺茫去古日以遠文獻漸遺亡先儒事

箋釋立說多參商擇焉而未精語焉而未詳我

朝惠字定戴

東起考核神明強注傳補闕略絕業予以昌我賢解經義勤

勉殊莫當秘鑰抽靈源儼樹精進幢聰明勿自喜歧路生傍

徨

才學識三長備具乃作史我謂讀史者所貴亦復爾孟堅學  
輸才未善中興紀不識天撐挈淺學殊可鄙天道本人情民  
義卽物理博取而約觀端爲法戒起治亂興衰間明鑑徹終  
始君子本諸身治人先治己少賤視所爲名節在用耶

丈夫志千秋立德致足尙其次務立言經術備醞釀春容步  
前修文壇善決盪輟材末學流勦說渺貴當虛浮背實用  
古多所讓眷言吾黨中唯汝號貞諒砭俗復樂羣溫恭具雅  
量發而爲文辭服膺宗哲匠韓蘇與出入鮑謝相韻頑會當  
保令名遠樹邇東望

十一月廿二日爲予七十七歲生辰舟過鴛湖偶賦

七十年來又七齡鴛湖雪後駐吳舫畏寒不復尋今雨時朱  
明府  
朱度鮑秀才以文朱秀才映潭李秀才  
香子富孫皆在嘉興志局未能訪也  
投老誰知問歲星玉

版味新多且旨金華釀熟醉難醒淨慈寺僧主雲及同好冬節而瑞唐餉酒尤佳

自惟後樂心猶在喜聽笳簫出遠汀是日岸上居民以年豐養神歌吹甚盛

春融堂集卷二十四

青浦王昶德甫

臥游軒集

辛酉癸亥

壬戌

題姚上舍春木

惜

望雲集

峯泖英靈又漸淪少年驚見筆如神  
丹山鳳鳥誰堪匹碧海鯨魚自絕倫  
他日中流當砥柱此時大雅合扶輪  
文章名節無窮事更待挑鐙仔細論

許駕部周生梁上舍曜北

玉繩

邀飲湖上許莊

柔波如簟草如茵山鳥山花正暮春  
月榭風亭邀俊侶籃輿筇杖趁閒身  
分曹談藝神明王促坐藏闔笑語親  
屈指清和應更好再移畫舫傍湖濶

和潘榕臯綠晦山房四首

春融堂集卷二十四

雅志投簪早溪山有夙緣碧雲當戶牖綠晦富林泉不藉田  
三頃聊營屋數椽良辰來往貫時棹木蘭船

書法能兼兩

晉工楷隸

詩才更少雙校書青鏤管奉使碧油幢

晉

充貴州

主考蕭灑同姑射耕芸伴老龐清流映帶處臥聽響淙淙

翰墨聲華著簪纓世澤長

君子姪皆以進士及第

高門傳檠戟勝地隱

松篁帆影樵風外茶香釣渚旁王官休自擬人比午橋莊

我亦因衰老歸田七載餘葭灣尋舊業木瀆命中車蕭曠差  
相似經營媿不如獨憐溪路遠未得造精廬

題繆石林

頌

小像

橐筆曾游京輦挂帆遠指蓬瀛歸向團蕉獨坐依然心迹雙  
清

記得堂名南有

南有堂爲繆編修所居

收存萬卷琳瑯妙迹推君能幾

風流直接倪黃

貽我萬松圖畫

石林曾爲予畫萬松講院圖卽敷文書院也

講堂正對西冷何日

與君放鶴扁舟來往南屏

第一樓夜起有懷伯元中丞

白苧生寒酒半醺  
八牕齊拓敞高旻  
柳間殘月如新月  
山外晴雲雜雨雲  
湖舫歌停燈尙在  
寺樓鐘定夜將分  
清秋好景殊堪畫  
吟嘯無由共領軍

再宿第一樓作

殘宵殘月正幽妍  
獨對銀河更悄然  
露下蓮塘涼似雨  
煙消柳岸水如天  
冰桃雪藕亡何飲  
竹簟紗幮自在眠  
清興不須招白鶴  
臨風意欲趁飛仙

康太守茂園

基田

過訪

河渠舊績著淮揚新

命東行重海疆望郡喜看持玉節

同年猶記詠霓裳帆檣番市春潮濶松桂書齋教澤長

君新開三

江通海口并改建雲岡書院

促膝明鐙須痛飲要看醉墨等龍翔

君嗜閣帖善行

書草

口號

浥浥重陰壓翠簾晚來添得雨廉纖荷花已老無多葉還送

秋聲到枕函

秋夜得楊員外蓉裳及其弟方伯荔裳揆書

跌宕詞場兩少年誰知先後奉戎旃關山廿載勞親夢風雨

三秋得素箋飛檄猶聞催戰鬪持籌還藉算緡錢自惟頭白

殘鐙裏慘執何時倍黯然

鴈徵君太鴻及茗姬月上歿葬於西溪王家塢木主



遺失久矣今春何布衣春渚琪得於田舍送至武林  
門外衙灣黃文節公祠清風閣中以供香火因紀以

詩

栗主拋殘久不堪香燈迎到奉苔龕春蘭秋菊時常薦社鼓  
神絃樂亦湛優鉢花從天女散姬人月上摩圍詩向老人參  
孤墳三尺西溪近來往應知鶴並驂

重陽後三日阮伯元招同孫淵如及諸同學集第一  
樓作

縹緲湖樓瞰夕陽同來英俊儼成行風前落帽嗤孫楚柳下  
停驂問葛疆銀海漸搖嗟晚晚玉山自倒笑顏唐歸與莫厭  
長隄迴涼月如樂水一方

朱映滢同陶上舍寧求梁錢秀才同人侗及從孫紹

成游西溪歸述交蘆庵諸勝且爲梅嶼上人乞詩是

日約展太鴻徵君墓予以病目未往

見說西溪路沿緣興不窮未尋高士冢先造梵王宮  
影層

層碧霜花處處紅此間求轉語心性有誰同  
楞嚴經相見無

庵之所以名也故以舉示上人

愛此無人徑羣瞻有道阡荒塋啼竹颺短碣繡苔錢  
詩卷知

常在雲仍竟失傳一杯澆未得空憶小吳船

聞何太守蘭士病假還京有寄

一麾出守又蹉跎豈向青門愛臥病京雒詞人游宦少  
匡廬

勝景入詩多禁城比屋追前夢  
先是余居欄苑花間分襟

感逝波幸有同心吟興健  
謂法開文張編修歲時車騎共經

過

題竹垞太史遊澱山唱和長卷

普光王名梵筴無紹興賜額胡爲乎鼇峯龍洞互起伏上有  
紺塢凌空虛七層欄楯鈴鐸語下瞰萬頃村模餽薛澱之源  
本具區礫清陳墓衆水趨溪山平遠似浮玉風景飄渺疑蓬  
壺當時夢窗曾過此扣舷高唱心神愉年深月積漸淤塞桑  
田遂見鄰村墟阿宰堵波已圯廢不見金碧光浮圖嘉禾去  
此近三舍長蘆釣客來嬉娛陳遵書招邀作地主畢卓雨  
生蕭散爲朋徒楓香菊秀風日好烏篷白舫依菰蒲扶筇躡  
屐遊覽畢歸向老屋觀琴書更煩妙手寫清景鵝溪八尺當  
窗鋪香林蘭若忽隱現貞松古柏交扶疎緣知此遊樂復樂  
不負選日來鴛湖距今屈指已百載哲人久謝幽人徂梅花  
書屋書所居亦安在花宮寥落閒鐘魚惟餘絹素尚無恙能不

珍惜伴瓊琚茲峯昔稱九峯祖玉屏蘭筍紛紫紆諸山寺觀  
漸荒蕪此尤閒寂林泉枯竹廊苔徑亦侈剝空枉上客來簪  
裾安得開士修精廬重新龍象演三車法筵清衆大起信雲  
梯佛閣增規模聽經結社更嘯侶遠眺雲水重囑于

將移居宗祠作

一檝來徵百萬錢漁莊舊宅計難全過橋翻喜移居近入室  
猶欣奉祀便半榻更無畱客地一篷賸有釣魚船如疑如夢  
真堪笑已別瀕池十五年

送慧照往金山受具

春江滑笏放輕舟玉帶門開指勝遊六度已從瓶鉢具三山  
更向畫圖收此時話別梅如雪計日歸來麥又秋攜得毘尼  
新戒本香燈與我共薰修

家柳村自京口過訪

雨雪能來訪乘湖直到門蒼茫三歲別故舊幾人存詩卷風  
騷裔家居水竹村殘年勞慰藉下榻喜開樽

臥遊軒月夜

蕭蕭絡緯過鄰牆纔近中秋夜漸長露滴荷珠聞暗響風翻  
竹籟助新涼井梧已減三分影巖桂初生數點香猶覺此心  
清似水老來吟興未全忘

門人蔣秀才應質

徵詩

以詩寄示卻寄

蔣山本玉人六籍妙解悟作詩繼風騷尤善冰雪句竹西與  
西冷幽賞豁情懷示我近來詩宛與王韋遇湖山結性情渺  
然出風露長簾更淒清匏瓜憎無豫

時方悼亡

懸知伴藥爐相思

寄毫素

喜聞韓城相國致仕

絲綸稠疊備 恩榮元老辭 朝值太平霽月光風終皎潔

渾金璞玉著忠貞三台星動知歸老五色雲環記唱名公殿試第

一從此四方瞻氣象龍門萬仞並崢嶸

九月八日吳司成穀人陳太守桂堂張司馬古餘敦

仁枉顧畱飲蘭泉書屋兼示映澗獻之同人三君

風日重陽近江天聚德星文章通氣誼鄉里羨儀型花徑何

曾掃蘭舟已共停老夫扶杖出再拜歎伶仃

祭酒瀛洲彥聲華燕許同北堂殷愛日教人以乞南國仰高

風碧浪經幃時在湖州主講紅橋酒舫通往來維揚更明年峯柳

路尤喜豁羣蒙明年來主雲間書院

司馬西江別流光計十年丰標仍落落腹笥更便便學業儒

林貴農桑吏治先芋城駢篠處興頌萬家傳

君出夢副憲吉門下予在江西

君又適知高安縣令時攝松江府事

歸自辰沅路風騷寄興長猶攜太史筆兼佩省郎香詞翰誰

能敵琴樽意不忌扁舟頻念我淹臥劇清漳

義山句

巖桂香齊放山萸酒正濃思捻書籍看

工部句

祇覺笑言重稻

蟹欣初薦蓴鱸早未供諸君偕脫帽轟飲慰龍鍾

葭莢村居僻桑榆暮景殘詎能歌兎首常累送豬肝舊學誰

爲繼叢書待盡刊尚期頻見憶顧我話眠餐

同作

吳錫麒

廿載春明夢賓朋散似星江湖尋後會笑語慕前型良約

秋期踐輕帆港口停吟詩當七發病已起伶仃

戲之病風不良於行

一老靈光在相期吾道同此懷如霽月有力輓頰風詩品

王官谷經材白虎通平生承刮目終是愧吳蒙

宦轍辭前路壯心思昔年車攻詩肄熟盾鼻墨磨便湛露  
三霄渥初衣一著先漁莊容穩臥樂事畫圖傳

斯文同不朽金石壽彌長許我開緇帙因之味古香剝苔  
心未屢布毯坐難忘夢瓦能鴛化還愁返故漳

宛然蒲褐住相引篆香濃酒座書三面秋簾水一重來真  
倉卒客餉費咄嗟供所感殷勤意何辭倒玉鍾

見說西南盜秋風掃蕩殘歡鏗動朝野披瀝出心肝便有  
饒歌製終聞露布刊太平田野樂努力待加餐

朱文藻

岑寂珠溪路喧傳五馬來趁潮江路濶觀稼隴雲堆錦纔  
霑朝露朱顏帶宿醅不教騶入谷簷雀未驚猜



京雒追前事詞壇步後塵龔黃傳治績歐趙契先民桂晚  
榮詩徑秋晴健酒人司天占異瑞德聚在江濱

湖海尊耆德烟霞養此身 朝章原尚齒天性愛留賓洛

社開樽滿龍門曳履頻歡然褰屐會韻事一番新

龍藏詞多拙衰遲興尚酣散材真不棄末席每教參古槩  
藏清閣奇書發錦函賞心交令節新菊勸分簪

### 汪庶子敬箴復乞假自都回里有寄

謝病重歸隱高名徧海壖清修依小學靜坐入初禪二語庶

也風雅編前集時刻太倉詩派功名讓後賢長君彥博以員外近

內擬從潘正叔謂蘭垞侍御相訪棹吳船

### 門人吳子山嵩梁過訪卽送其歸東鄉

江鄉歲暮掩蓬廬千里勞君問起居薊北朋儕嗟漸少江西

才俊有誰如斯文未喪終堪許大雅將興望豈虛珍重牛毛  
麟角語臨岐執手倍踟躕

石遠梅同家柳村楊時庵

欣

于靜齋

淵

三君自京口

來訪有作

歲杪增離緒天涯憶古歡何期青雀舫已繫白鷗灘荏苒三  
春隔衰遲再拜難村荒兼市僻佐酒乏盤餐

耆舊今寥落風騷亦漸亾誰知從碩果相與步康莊瓦釜人  
爭聽皇芻笑更長雅材三十六珍重各升堂

人竝稱名士天教聚德星

時映滯寧求在座

論心輸款曲勸學苦丁

寧烟水西津渡雲山北固亭他時南望處還憶草堂靈

生朝有作

草草杯盤又介眉一年一度盡如馳久同表聖營生類近擬

淵明製晚辭餽粥已修新井竈桑榆猶念舊茅茨明冬此會  
疑難再且向燈前索酒卮

元旦試筆

爆竹聲中齒又增先教侍史戒晨興青旂想進宜春仗紅燭  
還明守歲燈獸炭鑪溫留宿酒蠟梅花放解寒冰只憐衰謝  
年年甚試著朝衣似不勝

七秩行年自古稀又添十載剩餘暉觀心如幻塵根在積習  
難除道力微堪笑家人還致語誰知老子久忘機開門但喜  
兒童報宿麥青青滿釣磯

立春

存心養性樂熙和又見青陽到澗阿枕簟安閒知夢穩爐烟  
溫潤覺春多梅花遇雪三分謝蕙草生香一棹過

臘盡春初  
金華人載

蘭來售歲  
以爲常

目疾已嚴止酒戒廚娘又勸飲何

釋堂少宰由武陵按事北還見余檣李舟中送至望  
亭而別感賦

幾年別夢隔樵漁舊約南來信不虛萬里風烟違絕徼三春  
花柳送征旗盤根錯節君恩重後樂先憂物望紆況是二  
難同繼起韋平盛事不勝書

謂少司馬彥寶

鶴洲許墅水程賒絮語連宵雜嘆嗟四世交情同孔李十函  
奏牘重勲華

時以文成公奏摺送歸存貯

共憐往事真如夢得老閒身

卽是家

時予已移居

惜別不須還雪涕世緣久已等空花

四月初三曉徵枉顧虎阜寓齋兼贈二詩次韻

晤對兩成翁神明各不同我衰甘寂寂君氣正熊熊道德知  
何晚

放翁詩云晚知道德負初心

文章敢論工所欣春已去猶得坐春風

躡屐逢佳侶題襟憶往年前程真是夢勝事又堪傳樹隱初  
三月香分第二泉適友人以惠山泉酒見餉風流誰載筆吳乘好重編

### 虎邱寓舍卽事

塋影層層對虎邱少年裘屐記頻遊青瞳白髮歸愚叟也折  
花枝當酒籌

偶移帆席過吳閭濟勝無能黯自傷幸有使君能愛客掃除

池館置行裝

于太守滄來館  
余白公祠左

千秋樓閣仰峨嵋新奉香山與拾遺誰識青蓮曾過此煩君

合作四賢祠

劍池上本有仰蘇樓以奉東坡居士前太守任  
曉林以樂天曾爲蘇州刺史又建閣奉祀而趙

觀察雲松謂少陵壯遊詩曾有東到姑蘇臺之句故三祠並  
建園中余考文苑英華李太白亦有建丑月十五日虎邱山  
夜宴序案新唐書肅宗本紀上元二年九月去歲以十一  
月爲歲首月以斗所建辰爲名故十一月爲建子月十二月  
爲建丑月至明年四月復稱年號不用建辰是太  
白之宴虎邱在上元二年也因屬滄來并祀焉

衰年豈復擅譚元不奈虛名被世傳試問門前相訪客朝來  
緊遍綠楊船

門牆桃李聚芳華吳會朋來更似麻自笑老夫頻播喏便扶  
賜杖也敲斜

蘭陵風雨感離羣短簿祠邊忽見君正擬銜杯連夕語芒屨  
又踏洞庭雲雲松過訪時有洞庭之遊

三年別夢隔雲沙握手伸眉一笑譁攜得米家書畫富夜來  
虹月貫江槎謝吳越甫

誰人載酒過溪東范甯潘尼二妙同手執松枝當麈尾如雲  
妙解坐生風范編修芝巖來宗僧潘俗輩載酒來訪

岱宗頻歲照文星又向雲龍駐使輟聞有祥符碑刻在欲從  
天水問云亭徐州李太守松雲堯傑來訪以前守泰安故索其宋真宗封祀壇諸碑

巽鳳穹碑尚未摧塌來贈我等瓊瑰讀時想在金山寺萬隊

弓刀領背鬼

時張古餘以韓斬王墓碑見贈是碑高大最不易塌

珠林玉典漸成譌宋刻猶存校正多常記書齋紅豆底丹鉛

永日費研磨

得武英殿微宋新刊禮記正義後有惠徵君跋語以此校正監本及汲古閣本凡四千餘字

清風作頌妙雕鐫更有吳興寫義田白笑行裝輕似葉兩包

金石壓歸船

芝巖以所刻文正公伯夷頌及趙仲穆書義山記見贈

十載懸車返舊郊漁莊深處水周遭誰知指日歸官簿猶荷

深閨費彩毫

婁東女土彭相衡畫三柳漁莊圖見寄

### 牡丹盛開同映漏諸君小飲

鼠姑數本向窗栽紫玉香尤近硯臺佳種最宜名士賞

中有魏紫

種

頻年長伴老人開輝娟鬬影依青沼濃淡分枝映綠苔只

恐吟詩容易俗臨風且覆掌中杯

長夏懷人絕句

甲戌秋予自濟南歸舟中懷人得詩五十餘首迄今  
五十年而新知舊好零落益多長夏無事因仿存歿  
口號之體又得五十人各爲絕句以紀之

無錫秦文恭樹澧

味經精舍記勾留退食餘閒屬校讐洵是太平經世典玉峯  
制作竝千秋公少得蔡進士德晉三禮總纂又得健庵尚書  
讀禮通考因倣而編之成五禮通考五百餘卷  
予時寓其味經寓見退朝後日排一卷覆勘至四  
五過凡十二年而書成直隸總督方公觀承刻之

無錫顧祭酒震滄

窮經列表破愚昏三傳千秋大義存傳說梁溪風雪裏歸來  
不省舊家門程魚門云先生家居時足不出戶外偶從他處  
歸遇風雪至家門旁皇無所指或怪之曰吾將  
往顧某家耳或曰此門卽是隨叩門入里人以爲  
笑柄蓋專心篤學如此此其門人華師道所記



舊襲又如雲同上

長白夢侍郎女子

詞場拜後塵

南昌布衣青陽

私淑黎洲託鴈淪手編十學待傳薪司成謝世謂震翁徵君沒

錢塘鴈徵君太鴻

分襟最憶小湖船歸買梅林作墓田更有蒼溪明月耐好將  
秋菊薦寒泉

長洲沈宗伯歸愚

百年風雅教忠堂當代龍門應壽昌衣鉢縱無人可繼也應  
祖桓配朱王

常州劉侍郎映榆常熟邵編修叔勉

齊齋

臺閣文章自一家豈容下里競皇華誰知劉邵當時重制誥  
纔封衆口誇

會稽商太守寶意

溫李風華絕代才蠻荒淪落儘堪哀逢時若比韓熙載定向  
歌姬乞食來

嘉興鄭編修炳也

燕許文章信筆成  
盛年何事遽歸耕  
無人解讀漁洋句  
三代而還盡好名

鄞縣陳徵君玉几

西河弟子最能文  
詩格清蒼畫不羣  
貽我茗溪舊墨本  
殘荷數柄隔秋雲

錢唐金布衣壽門

湘水畸人金吉金  
竹西贈我瑤華林  
公然對面抱冊去  
廿年水月空寒岑

壽門工畫梅曾以二十四  
橋見贈尋爲陳寶所取去

錢唐袁明府子才

小倉詩境儘芳菲  
鉅制穹碑稍見譏  
原與時賢供拊掌  
休將

國史論從違

大興朱尚書石君

斗杓華蓋共零星出入承明五十春嘆惜棣華令兄竹君塵滿席獨持名教贊洪鈞讀書之所

諸城劉相國石庵

韋平德業冠三朝畫裏相逢與自超珍重木瓜投贈句十年刻石在瓊瑤甲申歲公從山西至京師一日文正公閱余所題李伯時應真贊文正問曰曾識王某否公對以此未識文正笑指圖中一人示之曰王某

錢唐梁侍講元穎

風月湖山久主盟不惟墨妙冠羣英貞如桂柏瑩如玉家世由來是五清文莊公以大學士管吏部兼翰林院掌院學士又直南書房上書房時同鄉王尚書際華謂之曰公所處五職皆極清要亦當稱為五清先生也

大興翁鴻臚振三

詩材直繼黃

山谷楊誠

後譽望人稱朱

竹君學士紀尚書

兩漢殘

碑供考證六經與義更循環

君有兩漢金石記近者辨經說尤多

無錫顧觀察晴沙

未老抽身向九龍新詩妙墨更春容當時一語真慚汗勸我

深心似石淙

河間紀宗伯曉嵐

繼天

受寶啓元符

內禪儀文萬古無其謂春卿

儒術裕稟經酌史贊

鴻謨

常州趙觀察雲松

清才排冑更峻嶒袁趙當年本竝稱試把駭餘叢考讀隨園

那得比蘭陵

丹徒家太守禹卿

會向東瀛攬勝還探花及第教仙班成唯識論雖通解仍恐  
因緣在海山

上海陸副憲健男

改職名高 玉殿班何期使節寬無還魂歸不但楓林黑愁  
過遼陽萬仞山

歙縣程編修魚門

綿莊經學午橋程編修詩學到中年迴自青史漢韓歐承正  
格惜無人賞古文詞

長白慶似村

金貂家世重西京王謝風流玉雪清一室琴書花竹外獨溫  
香鼎試瓶笙

海鹽朱明府笠亭

精養名畫幾研覃前代詩鈔總一函曾記官齋留宿夜水華  
硯相贈小窗南

無錫鄒侍郎曉屏

曉屏清節本無雙通路河邊駐碧幢最憶滋陽風雪夜共開  
詩卷對明釭

休寧金殿撰輔之

霓裳第一望如仙經學偏能解鄭箋歸臥天都三十載  
江永徵義更誰傳輔之著禮箋十二卷并傳江慎修載東原之學

陽曲申明府圖南

古金貞石採三秦作吏風塵迴出塵程貢生趙貢生孫觀察

錢州判同嗜古獨推雅鑒在涵真

儀徵施宗丞小鐵

天吳紫鳳補朝衣中正還同季女飢後新詩存六卷正如  
鶴骨幾時肥

嘉興汪殿撰潤民

碧巢累葉竝簪纓華及堂開負盛名厚石竟隨桐石沒更嗟  
雲壑返蓬瀛

南城魯明府絜非孝廉習之

旨遠辭文出自然絜非有作韻朱弦儒林循吏俱無媿師法

由來仰大賢

絜非工文作令夏邑有善政以司馬文正公爲法

孝廉下第病兼貧相約南歸涕滿巾父子弟兄俱早世遺文  
攬撫更何人

錢唐吳祭酒穀人

祔殿新成壽宴圖多君送我下南吳而今愛日思護草又見



文星照五湖

無錫秦觀察小峴

瀟湘雲水武陵春遊偏江湖欲乞身寄暢園中風日好碧山  
吟社定重新

常熟吳儀部慈甫

抽簪壯歲樂烟霞到處詩詞護碧紗  
似梅村閒適句玉杯春暖尚湖花

南城曾運使賓谷

南北舟車占要津詞場酒座逐時新  
竹西亭上三分月長共詩人作主人

儀徵阮中丞伯元

仁聲久遍浙東西三十荀郎未足齊  
聞說舟山傳箭夜樓船

十道壓鯨鯢

偃師武明府虛谷 億

武君折角兼強項前似朱雲後董宣脫屣去冠當軸嘆證明

金石藝林傳

君爲博典令以九門提督番役入境滋事捷之被劾罷歸阿文成公深爲惋惜

元和馮給事實庵

橐筆西清歲月遙詩才文譽滿同寮近來更詠西湖柳占取

風光在六橋

予集西湖柳枝詞君詩歷卷

欽州馮農部魚山 敏昌

博學多聞樂澗槃西南近海此材難好奇更上蓮花頂玉女

明星對面看

福建李員外畏吾 威

閩海畸人孰似君力承師學用心勤曾來訪我西湖上午夜

燒燈校說文

畏吾爲竹君高弟知余有宋板說文時方隨  
蹕西湖尋至寓所盡五日夜功校畢乃去

綿州李舍人墨莊

鼎元

弟編修晃塘

驥元

兄弟同爲集蓼蟲每於艱苦出英雄晃堂一去風流盡獨駕

鯨魚碧海東

辛酉春墨莊奉命救  
封琉球過訪敷文書院

靈石何太守蘭士遂寧張檢討船山

匡廬遊罷更東還如雪麻衣淚點斑從此京華壇坫上何人

詩筆配船山

長白法祭酒開文

大谷山堂見替人餐風味道更誰倫東華門外司成第千卷

圖書接翠筠

武進趙同知億生

駢體詞章字字工又隨五馬仕齊東蜃樓海市毫端現定見

人推大國風

武進楊員外蓉裳弟方伯荔裳

十載西陲鬢未絲歸來華省擅清詞  
江花邱錦知多少仍向詩場作總持

頻聞烽火靜三巴蜀道瘡痍已漸差  
料得印牀公事少也應吟遍錦城花

楊家兄弟真名士珠玉爲心錦繡腸  
可惜蓬山無著作卻俱草檄事戎行

陽湖孫觀察淵如

集成問字警凡庸經誼千秋漢魏宗  
精舍憶曾開祖桓欲將

祭酒配司農

伯元中丞開話經精舍議祀先賢淵如舉叔重

漢書本傳內不載祭酒之官當以此官爲宰官私屬不隸之

故耶汶水有二皆入于淮其地卽爲楚漢時垓下今屬邳州

叔重宜祀于邛  
川名宦祠內

陽湖洪編修稚存

古寺離筵共拍張次公寧必醉而狂可能勃律天西外水道

詳求似鬼方

推存先哲學貴州有貴州水道考三卷

太倉蘇貢生加玉

雜晉

曾其輜軒汗漫游湖山風物錦囊收家居廿載窮兼老兩板  
衡門一敝裘

錢塘朱貢生青湖

湖江詩派近難論獨有青湖迴絕倫傳得舊聞教後進西冷

十子本湘真

青湖云陳臥子先生司李紹興詩名既盛浙東西人士無不遵其指授故張綱孫等所撰西冷

十子詩皆雲間派也毛西河幼爲臥子激賞故詩俱法唐音竹垞初年亦然至康熙中葉始爲宋詩蓋自查梅餘兄弟及

洪孟舉輩出而格始大變也

惠州趙明府渭川希璜

仙峯四百在毫顛風雅潘有為人溫應並傳地志才修搜

石刻總將翰墨作因緣

長白那少宰繹堂

祖訓諄勤主眷隆曾參密勿贊元功閒窗忽讀停空句想

見清心似鏡空君有停空鏡詞最工

長白英侍郎煦齋

曲江風度本先賢謂定圖宗伯近筦司農秩屢遷供奉南齋纔

退直又臨閨苑領羣仙

長洲家博士惕甫

文章劉蛻孫樵亞詩格盧仝馬異開為問霸才誰是主故應

橫戟獨當關

海寧吳貢生槎客鸞

浙西風雅數三賢  
湘管成書世早傳  
陳廣文石鼓兼通金石契

張徵君同時更重國山編  
燕昌撰

元和蔣秀才應質

六書奧窔宗凌長  
三統精微邈鄭君  
尚有詩篇兼眾體  
漳濱臥病更何云

錢塘蔣秀才葆存

蔣山已冠三珠樹  
又說西溪有蔣村  
家在梅花最深處  
果然清氣得乾坤

蘇顯之和予八十元旦詩并遣其子來祝寄謝

先後年華近八旬

君年亦七十有六

雲山相望久相親  
聞君杖履秋

增健和我詩篇筆有神  
少日詞壇同嘯侶  
晚來宦海各抽身

三峯況與蓬萊近浴日餐霞莫厭頻

聞巨超上人焦山退院

海鶴三年別江魚一字無懷君聞退院瓶鉢憶羈孤梵唱秋  
颶急經行夜月徂不知詩社裏誰與其團蒲

雲水瓜洲步紅闌窄堵波導師提唱處香火復如何謂圓公老  
去遊情減閒來法喜多耳聾兼面皴猶未得三摩

菊

短籬高節等松筠常向柴桑伴逸民霜露不矜標格異馨香  
獨見性情真平看豈惜風吹帽欲插偏慚雪滿巾移置屏山  
明月底夜寒形影更相親

曉起

時十月初一日

松影移窗曙色新曉來盥漱更精神細看蝴蝶懷前夢懶折



芭蕉悟幻身碧梳索嘗前榨酒青瓊倚拂舊香塵丹楓黃菊堆苔徑不覺年華又小春

袁貢生時亮

文煥

自昆明來訪即別有贈

屈指離襟二十年舊交零落倍淒然

謂錢通政東注蔣檢討舜游陳明府文錦文

章聲價宗前哲

君近刻滇南詩文畧

門第清華啓後賢急難心情殊慷慨

伯時爲陳方

遠遊時勢總迢迢匆匆歸去滇池上憑與諸君

話老頗

謂尹給事楚珍倪同年高川陸秀才藻同

壽錢徵君晦之六十

清鏡塘隈隱德星世留眉壽著儀型

晦之祖父皆大壽

六旬福德開

箕範三策賢良重漢廷

元年以孝廉方正徵

楓映畫屏添製錦菊霑春

酒助延齡聲名已是東坡弟

蘇句

更喜諸郎並受經

謂同人兄弟

題吳節愍公

嘉允

遺像

公字和如華亭人天啓甲子舉人福王南渡授戶部主事

南都失守自經

蹇蹇何能再顧身一朝取義便成仁天荒地老心猶壯國破家亡氣轉申魂魄飛騰應化鶴雲霄迭蕩自騎驎易名奕代光千古展卷丰標動鬼神

陳忠裕公祠宇落成詩以誌之祠在皇甫林墓西福成庵左與夏忠節並祀節愍及黃貢生儒皆祠之祠宇為陳桂堂太守合眾力以成

翠柏蒼松照水村烏頭綽楔表龍門姓名早入前朝傳贈卹還叨異數恩一代文章光策公詩文集余先為搜輯今屬何秀才書田其偉增刻之四時俎豆薦蘭蓀獨憐忠節聲華並馬鬣無由問九原校命在忠裕前故忠裕集有葬夏考功詩然是時節愍牽連被逮卜葬未成其後門人崑山盛符升始葬之宋荔裳晚會紀以詩然其葬處我鄉前輩未經紀載隔訪無蹤因誌于此

遙送陳桂堂主鼓山書院院為劉念臺先生故居

大節分明似首陽喜君曠世獲升堂欲教多士從何學在仰  
前賢不可忘名重東林嚴出處情殷南渡誓存亡到時釋菜  
修春祭爲我先陳一瓣香

喜沈觀察函九見訪

函九爲予辛巳所取士年七十有九

年當八十世稱奇況有門生齒數隨歎我聰明全已失喜君

視履總相宜往時

綸閣居先路

予先爲中書舍人君相繼入直

近日經幃

接舊規

予主叟東書院及往武林當事延君代之

更有陳錢遺事在

君爲陳通政星齋錢少宗

伯坤一之壻

好憑絮語盡深卮

寒夜洪稚存見訪

依然浩氣見鬚眉慰我三年萬里思聞說雲山開講席

時將主學

國書院

還愁烽火動潢池飾巾自分風流盡摻袂猶聽夜漏遲

燭跋更闌餘後托好爲有道勒遺碑

元作

洪亮吉

珠街涇口落帆遲五載重逢慰所思碩果近看餘一老削  
瓜早見歷三司百千著錄偏能記門下弟子極多八十研經不廢  
詩卻望西南洗兵馬盡臣風度總憂時

八十生辰口號十二首

八十平頭自在身宣勞中外荷

恩綸誰知

賜告

歸田後屈指年華又十春

薄有聲名海內傳敢勞致語祝彭錢嘉賓已盡東南美次第  
溪橋纜畫船

門生弟子代逢迎退坐山房景色清喜聽扶風豪士飲探鷗  
鬪酒到三更

香閣才名本出羣鉅車何意到溪濱香箋渲染梅松菊絕似

麻姑五色雲

聞秀廖纖雲以所畫箋扇來祝

楊州烟月家家玉江左文章樹樹花

徐昌穀句

移贈檀郎真不忝

香囊塵尾關芳華

章生綬文余外孫壻也丰姿韶秀幼有雋才

生天成佛兩茫茫坐愛年時正履長多謝東風先借暖隔簾

吹送早梅香

屈子風騷百代尊獨將一氣夜中存懸知睎髮扶桑後不藉

招魂與禮魂

見離騷遠遊篇時餘書不讀令人偶誦莊騷耳

圓明性體本無涯肯受塵埃半點遮泰宇定來虛室白繩牀

趺坐誦南華

比似香山又五年

樂天卒年七十

適來適去總由天華嚴樓

閣何能到擬住雲棲竹徑前

樂天欲生兜率故云

重幃深護燭花偏坐愛紅爐暖不眠雪夜前村聽鳴鴈此情

真似石湖仙

伐性傷生氣更衰

王介甫詩傷生伐性老耽書

可容翰墨累靈臺行看九

九全陽數養得天年在不材

漁樵寄興脫朝衫上擬山陰亦不凡但少鑑湖三百畝蓮華  
博士換頭銜

失明已久入冬來暗室中時見光明殆與放翁所得  
略同然見在未申酉三時餘時不見又未可解也因  
書寄梁元穎侍講趙雲松觀察

欲淨塵根尚未全何期慧業現當前漆園曾覺虛生白楊子  
空勞默守元時訝蜃窗朝日上終輪螺髻佛光圓若稱聖證  
還非是方便心開任自然

除夕

辛盤臘酒已全收爆竹聲中歲又週起早仍當朝  
象魏禦寒無計續貂裘欲償舊債緡錢罄檢點新詩卷軸稠  
前月八詩百餘軸戲語衆雛休爛漫杜詩衆雛爛漫睡焚香爲我記更籌

春融堂集卷二十四終